

FRID. CHRIST. THEOPH.

WEBER,

MED. DOCT.

ATQVE REIPUBLICAE HEILBRONNENSIVM PHYSICI

OLIM CELEBERR. POLIATRI CLARISS.

OBSERVATIONES

MEDICAE

SELECTAE.

---

EDIDIT

ET APPENDICEM OBSERVATIONVM

ANATOMICARVM RARIORVM

ADIECIT

FRID. AVGVST. WEBER,

FILIVS. M. D. HEILBRONNENS.

~~~~~

VRATISLAVIAE,

IMPENSIS GVTSCHIL.

MDCCCLXXVI.

RECEIVED  
JAN 1 1887  
U.S. DEPT. OF AGRICULTURE  
WASHINGTON

OFFICE OF THE  
SPECIAL AGENT  
IN CHARGE



RECEIVED  
JAN 1 1887  
U.S. DEPT. OF AGRICULTURE  
WASHINGTON

IOANNI FRIDERICO  
ELVERT,

MEDICIN. DOCT.

SERENISS. DVCIS WVRTEMBERGICI CONSILIARIO,

MEDICO AVLICO ATQVE PRAESIDIARIO,

DOCTRINA MERITISQVE

CONSPICVO,

AVVNCVLO SVO AD CINERES  
VSQVE PIE COLENDO

IOANNI FRIDRICO

FLAVI

LIBRARIUS

STRECHTAE DUCIS WILHELMI MAGNIFICENTIA

MDCCCLXXXIII

AVRIL 1854

1854

AVRIL 1854

1854

FRIDERICO GVILIELMO  
GÜNTHER,

MEDICIN. DOCTORI

ATQVE REIPVBL. ESSLINGENSIVM INCLYTAE

PHYSICO SPECTATISSIMO,

FAVTORI SVO SVMMÆ  
DEVENERANDO



FRIDRICH SCHLEGEL

OF THE

ROYAL ACADEMY OF SCIENCES

OF THE UNIVERSITY OF GIESSEN

AND OF THE UNIVERSITY OF BONNEN

AND OF THE UNIVERSITY OF MÜNSTER

OF THE UNIVERSITY OF GIESSEN

# CHRISTOPH. DAVIDI MANN,

PHILOSOPH. AC MEDICIN. DOCTORI  
REIPUBLICAE, QVAE BIERACI FLORET,  
PHYSICO, AVGVSTANAE CONFESSIONI  
ADDICTO, MERITISSIMO,  
ACADEMIAE CAESAR. NATVR. CVRIOSORVM  
ET MOGVNTINAE SCIENTIARVM VTILIVM  
SODALI.

COGNATO SVO DILECTISSIMO  
ET AESTVMATISSIMO

CHRISTOPHER DAVIES

M. A. M.

OF THE  
SCHOOL OF THEOLOGY  
AT YALE UNIVERSITY  
NEW HAVEN, CONNECTICUT

RECEIVED  
JAN 10 1900  
FROM THE  
LIBRARY OF THE  
YALE UNIVERSITY  
LIBRARY

COPIES OF THE  
LIBRARY OF THE  
YALE UNIVERSITY



IOANNI HENRICO  
SEYLER,

MEDICINAE DOCTORI CLARISSIMO,  
REIPUBLICAE HEILBRONNENSIVM PHYSICO  
TERTIO DIGNISSIMO,  
COLLEGAE, PATRIA, STVDIIS, ARTIS  
MVSICAE AMORE,  
CONIVNCTISSIMO,

AMICO CARISSIMO  
ATQVE SVAVISSIMO

HASCE PAGELLAS,  
QVAE, PATRIS PIE DEFUNCTI MANU  
EXARATAE, A FILIO PIETATIS ERGO  
COLLECTAE AC IN ORDINEM DIGESTAE,  
NUNC INSTAR OPERIS POSTHUMI PRODEVNT,  
OB AMICITIAM CVM AVCTORE SINCERRIME,  
VSQVE AD MORTEM EIVS CVLTAM, ET OB  
MAGNA IN FILIVM COLLATA BENEVOLEN-  
TIAE, AMORIS, AMICITIAE ATQVE PATROCINII  
DOCUMENTA

L.

L.

M.

D.

D.

D.

TANTORVM NOMINVM

CULTOR OBSEQUESTISSIMVS.

EDITOR.

PROOE-



## PROOEMIUM EDITORIS.

**L**oco praefationis, ut auctorum mos est, sisto Tibi, L. B., breuem ad sinceram vitae patris optimi narrationem, ut eo melius Tibi harum, numero quidem paucarum, re vero summe praestantium obseruationum scriptor innotescat.

Natus fuit in villa *Kleinbottwar*, iurisdictioni equitum S. R. I. a *Geissberg* subiecta, idibus Iulii post salutem mundi regeneratam anno MDCCXXVII. Patre gaudebat *Georgio Christophoro Weber*, philosophiae Doctore artiumque liberalium magistro, tunc temporis in villa modo dicta sacrorum antislite vigilantissimo; matre vero *Catharina Elisabetha*, ex nobili stirpe a *Krukenberg*, gentis Saxonicae, quorum aliqui, nec non pater eius, cum summa laude praefecti quondam fuere in aurifodinis Clausthalienfibus. Quibus praemissis, dictu vix opus erit, vtrumque horum parentum omnem, quoad eius fieri potuit, arripuisse occasionem formandi animi atque intellectus filii dilecti, qui, praeter fratrem mercatorem Bernae Heluetorum adhuc superstitem, atque sororem Bibracensium antisliti sacrorum dignissimo, M. C. H. *Hanff*, iam pridem nuptam,





nuptam, eamque adhuc vivam et sanam, vnica ex matrimonio proles erat suscepta. In villa *Kleinbottwar*, et postea quoque in villa *Eberstatt*, ditionis Württembergicae, in qua sacrorum cura patri eius fuerat demandata, pater ipse illi ab ineunte aetate linguarum atque literarum, quae ab humanitate nomen accepere, initia tradidit, adiungendo religionis nostrae sanctissimae doctrinam, quo in negotio coniugem suam, matronam vere piam optimam, habuit adiutricem.

Puellum aetate profectiorem praeceptoribus Gymnasii Heilbronnensis tradidere parentes optimi, quippe villa Eberstadiensi, prope Heilbronnam sita, maximam dante opportunitatem. Academiae tandem idoneus, artis medicae studium amplexurus, Tubingam accessit. Quae quidem Musarum sedes vetustissima et clarissima illo tempore, *Maucharti*, nec non *Gmelini* senioris, atque *Hoffmanni* nominibus, solertia meritisque, medicinae atque physices cultoribus fuit acceptissima. Imprimis autem Ill. *Mauchartus*, affinitatis vinculo stirpi Weberianae quodammodo iunctus, instar filii sui eius gerebat curam; adeo, vt non solum in illo praeceptorem optimum, sed et patrem, patris germani vices vere sustinentem, in tanto viro simul potuerit venerari.

Quare et diligentissime audiit illum, sermonesque de rebus doctis doctissimos chartae mandauit,



davit, in re anatomica, femiotica, nec non in pathologia, chirurgia et therapeutice speciali eum secutus. Porro illustri hoc viro, illicque amicissimo, haud renitente, suppellectili eius libraria, tanquam sua, dum Tubingae moraretur, usus est.

*Gmelino* institutionem in arte botanica, chymica, nec non sic dicta materia medica debuit.

*Hoffmannum* in pathologicis, doctrina de formulis conscribendis, atque medicina forense fidelissimum habuit praeceptorem.

Audiit quoque *Kraftium*, *Bacmeisterum*, atque *Duvernay*; illum assidue in physicis atque mathesi, hos in variis rebus ad rem medicam pertinentibus.

Artis obstetriciae addiscendae causa deinde Argentoratum concessit, *Friedium* seniore, *Eisenmannum*, *le Riche* atque *Buschium* praeceptores nactus. Quorum prior in arte obstetricia, adhuc dum per se ipsum, nec non per doctissimum filium adhuc viventem, summe clarus, illi audienti non solum artis huius placita sedulo proposuit et explanavit, sed etiam in nosocomio artem ipsam tentandi optimam suppeditavit occasionem. Alter autem optime illum in theatro et artem anatomicam docuit, et corporis humani rite, nitide atque modo durabiliore dissectandi, dissectasque partes in museis asseruandi, regulas et encheireses amicissime cum illo communicavit. Quantum etiam ex illius institutione profecerit, vel ex eo capite cognosci potest, quod postea





postea illum, Tubingam ad priuilegia doctoralia rite capeffenda reducem, Cl. *Mauchartus* in re anatomica praetulerit aliis medicinae candidatis, adeo, vt illum prosectoris anatomici munia vicario modo explere, donec Tubingam relinqueret, iteratis vicibus sit exhortatus. Qua quidem prouincia sibi mandata, ita munere suo functus est, vt omnium tum docentium, tum discipulorum applausum ea de re, tanquam iustissimum laboris sui praemium, secum asportaret.

*Le Riche* denique cum *Buschio* chirurgicae artis penetralia illi bona mente aperiendo, manumque eius primo in cadaueribus, deinde in viuis corporibus ad operationes chirurgicas ducendo, in nosocomiis, quae Argentorati visuntur, gallico aequae atque germanico, patrem artis chirurgicae reddidere peritissimum,

Qua via, tantisque magistris vsus, totius artis medicae curriculum praeclare emensus et Tubingam reuersus, anno MDCCL. dissertationem pro licentia summos in medicina honores rite capeffendi scriptam, Praeside *Maucharto*, defendit. Inscríbítur illa: *Palpebrarum tumores cystici, casusque specialis magni tumoris steatomatifico scirrhusi e palpebra superiore et orbita feliciter nuperrime extirpati, plagulisque quatuor, charta quadruplicata, impressa est.*

Genuinum huius scriptionis auctorem patrem esse hic loci publice profiteri liceat, *Maucharto* nempe, praeter casum illum specialem in scri-  
pti





Pti fronte memoratum, leuiaque additamenta et castigationes, amica manu adiectas, ne verbum quidem sibi vindicante. *Praefidis* nomen multos viros eruditos in errorem induxit, quo *Mauchartum* auctorem libelli nominando, respondentem, genuinum dissertationis auctorem merito laudis praemio defraudarent. Id quod contigit etiam clarissimo et alias accuratissimo *Weiz* \*), et ipsi Ill. *Hallero*, qui scriptum integrum thesauro suo dissertationum chirurgicarum notissimo, tanquam classicum, inserere dignatus est \*\*).

Laurea ita coronatus doctorali, qua pauci digniores illo, innumeri vero indigniores, quin indignissimi haecenus extitere, vera profecto artis medicinalis prostibula, locum praxeos, ut aiunt, idoneum seligens, Heilbronnami venit, munere Professoris medici apud Tubingenses, post subitum *Maucharti* e vita decessum, illi oblato. Quod vero non accepit, quia vitam sedentariam et umbraticam eruditorum, in academiis viventium, ex *ἰδιοσυγκρασία* sanitati suae minus proficuum, cane et angue peius, finitis laboribus atque studiis academicis, sibi fugiendam existimarat.

Arrisit

\*) Vollständ. Ausz. aus den besten chirurg. Disputen. B. 4. S. 681. u. f.

\*\*) Chirurg. Disput. Select. T. I. n. 15. p. 291. sq.



Arrisit illi, prae multis aliis, vrbs Heilbron-  
nensis, in qua magnam puerilis atque iuuenilis  
aetatis partem vixerat, vel ideo, quod eo tem-  
pore, quo reliquit academiam, medicis quidem  
abundabat, bonis autem, iisdemque doctis, de-  
stituta esse videbatur. Habuit quidem vnum  
atque alterum, tanto nomine non indignum, sed  
plerique, praematura ciuibus erepti morte, so-  
lum reliquere verum medicum, *Io. Martin. Rei-  
chardt*, qui, *diff. de utero grauidae cum foetu vul-  
nerato*, Argentorati MDCCLIII. defensa, inter  
doctos medicos inclaruit. Reliqui vero tunc  
temporis medici Heilbronneses, vel artis me-  
dicæ plane rudēs, vel ignorantiam, proiiciendo  
ampullas et sesquipedalia verba, celare tentantes,  
erant medici, nomine me quidem iudice, indi-  
gnissimi. Iustam inde spem conceperat, fore,  
vt optima inter eiusmodi medicastros diligentiae  
academicae praemia vero contingere possint  
medico.

Nec spes fefellit. Maxima enim, et Heil-  
bronnae antea minus obseruata in aegrorum  
cura gerenda *vigilantia*, methodi medendi, ab  
omnibus, quibus tunc scatere solebat vitiis, *re-  
purgatio*, singularis et antea minus inter medi-  
cinae practicos Heilbronneses obuius medica-  
mentorum *selectus*, prudentia *εὐπορίων* atque  
remediorum domesticorum praescriptio, quae  
tantum leuaminis afferre solet genti pauperum,  
quibus saepissime a pretiosiori medicamento ab-  
stinendum est ob rem domi angustam curtam-  
que





que suppellectilem, mira in diagnosi atque prognosi morborum *veritas, modestia et sagacitas*, nec non summa, qua omnium in se figere poterat animos, *affabilitas, humanitas morumque venustas*, non potuerunt non illi, tum ciuibus, tum vicinarum regionum incolis atque accolis merita illius rite perspicientibus maximam aegrorum fiduciam, amicitiam, beneuolentiam gratumque animum facili modo comparare, comparatamque seruare.

Tantae quidem animi dotes, ingenii documenta, reique publicae inde nata utilitas, anno MDCCLVIII. physici tertii, et paucis annis post secundi ordinarii honorem, iubente ac volente Senatu Heilbronnensi, reportarunt.

Anno aetatis suae vicesimo quarto thalami sociam sibi asciuerat *Ioannam Reginam*, ex gente *Elvertiorum*, quorum vnus alterue medico adductus ordini dissertationibus, quae methodum haemorrhoides sanandi Kaempfianam illustrare possunt, alii vero scriptis minoribus ad materiam medicam pertinentibus suo tempore doctiori medicorum cateruae probe innotuere.

Vnica ex illo matrimonio nata proles est, filius nempe *Fridericus Augustus*, memoriae huius *paternae* auctor, quem filium annis MDCCCLXIX. et MDCCCLXX. ipse artis medicae rudimenta docere inceperat, vsque dum praematura mors illum mense Augusto coniugi, filio, ciuibus, ami-



cis, aegrisque, illius auxilio vti solitis eripiens, omni molestiae, curae atque calamitati, cui subiici solent medici in mundo hocce sublunari, feбри rheumatica praecedente, et illa soluta, feбри soporosa putrida, quae tunc epidemice Heilbronnae obseruabatur, insequente, subduxit, aetatis anno quadragesimo tertio.

Quanti fecerint illum viri eruditi, quibus innotescendi non defuit occasio, vel inter alia, breuitatis ergo tacenda, b. *Roedereri*, Prof. Goettingens. celeberrimi epistolae ad illum datae, quae adhuc a posthumi opusculi huius editore diligentissime asseruantur.

Neque principibus, aliisque illustrioris originis hominibus, incognita eius in artem medicam eximia merita fuere. Testatur id prae reliquis Marggravius Durlacensis Sereniss. qui anno M D C C L X V. ad munus poliatri aulici suscipiendum illum vocare clementissime dignatus est. Munus id varias ob causas ab illo recusatum, princeps, illo auctore atque suasore, paulo post contulit cel. *Buch*, qui anno M D C C L X. dissertatione *de morbis periostei*, Praeside *Kaltschmied*, Ienae ventilata, inclaruit.

Magni quoque fecit illum Illustrissima Comes de *Castell*, quae Riedenhufae Franconum suum fixerat domicilium. Saepius ipsa vocari iusserat illum, medici auxilio indigens. Gratique eius animi documenta sunt D. *Bernhold*, medici  
Onol-





Onoldini, qui Medicina legali Teichmeyeriana tabulis expressa, et anno MDCCLX. Ienae in lucem edita innotuit, literae nomine Comitis ad illum exaratae.

Et haec quidem ad penitiorem viri tanti cognitionem acquirendam, gratamque memoriam stabiliendam heic loci sufficiant.



## OBSERVATIO I.

*Pueri sexennis, pro fascinato habiti, sectio practica, habita Tubingae mense Octobri anni MDCCCL.*

### *Morbus.*

**P**uer, ex parentis propinquorumque narratione, per integram vitam sanus, alacer, floridæ faciei, corporis minime macilenti, diris inuadebatur abdominis torminibus, quas sequebantur vomitus aluique deiectiones insolitæ, viridescentis coloris, et succo graminis quasi tinctæ, primis diebus nullum spargentes foetorem, ultimis autem grauissimum. Quinque ante obitum dies vomitus pergebant iugiter, alui deiectionibus plane suppressis. Toto ceterum morbi decursu furentis partes agebat misellus, continuo de capitis ventrisque doloribus acerbissimis conquerens, atque instar maniaci tandem animam reddens suam.



*Sectio cadaueris.*

Caput, leui tinea in parte capillata vexatum, abdomen asciticorum instar turgidum, reliquus vero corporis habitus minime a natura recedebat.

Demto cranio, cerebri venae atro comparebant sanguine refertae; sinus falciformis, plane vacuus sanguine, vbi apertus fuerat, ostendebat polypum albidum, sex pollices aequantem longitudine, per totum eius tractum a crista galli vsque ad sinus durae matris laterales descendentem. Cerebri ventriculus anterior, isque sinister, exhibebat massam liquidam instar carnis loturae, duas drachmas pondere non superantem. Plexus eiusdem ventriculi choroideus albidus venam habebat sociam, recta per totum ventriculum extensam, atroque repletam sanguine. Dexter cerebri ventriculus anterior eandem liquidi quantitatem similique colore gaudentem fistebat, plexus vero illius choroideus pulchre rubelli coloris secundum naturam erat. Idem de reliqua cerebri totiusque cerebelli substantia dicendum est. Pectus ostendebat pulmones pulchre rosei coloris, nusquam accretos, optimae consistentiae. Pericardium solum aliquam praeternaturalis liquidi quantitatem continere visum est, dextrum vero cordis ventriculum repleuit polypus albicans, radicibus seu pedunculis suis ad ventriculi apicem atque latera plane accretus, in corpore vel media sui parte pollicis habens latitudinem, circa valuulas tricuspidales angustior,  
in





in dextram exporrectus auriculam, ibique nouam quasi polyposam spargens expansionem nusquam adhaerentem fluctuantemque liberrime: sinister contra cordis ventriculus rerum praeter naturam ne hibum quidem ostendit. Facta longitudinali abdominis incisione, apertoque peritoneo, flatus exiit foetidissimus, praesentis putridae corruptionis excitans suspicionem. Alterius dilatata incisione comparuit ingens copia liquoris lutei graueolentis fecibusque remixti. Vnde statim in opinionem ingressus sum, ventriculusne an intestinorum hoc illudue disruptum inueniri possit? Effuso, quantum licuit, liquore hocce foetido, nullum amplius in conspectum prodibat omenti vestigium, a putredine scilicet in vniuersum consumti. Totus intestinorum tubus valde turgescens insolitam ostendebat tunicarum crassitiem, ab inflammatione forsitan illum occupante ortam. Vltius intestinorum disquisitioni operam impendens, illum deprehendi, ea, qua colo inseritur, regione abruptum suaque reflexum extremitate versus propriam flexionem sinistram. Colon, vbi digitis attigi atque paulisper compressi, inueni duriore quadam materie repletum, quam primo quidem tactu pro fecibus habebam induratis, ipso verum intestino aperto longe aliam esse perspexi. Erat nempe concretum scirrhum incipiens firmiterque adhaerens valuulae coli Bauhinianae, ceterum in intestino libere fluctuans, nullo loco accretum, in extremitate sua libera, qua pergebat ad hypochondrium



chondrium vsque laeuum, acuminatum. Superficies illius concrementi externa impressiones referebat annulares, ab intestino efformatas, et inter incidendum ob accretiones suas scirrholas, per totam ipsius substantiam dispersas, dissectoris cultro maximopere resistebat. Color externus erat subfusus, internus variegatus, luteus nempe, albidus, niger, ruberque. Ventriculus incisus eructabat glomerem lumbricorum tere- tum, et liquorem, ei, quem in abdomine de- prehenderam, simillimum. Hepar naturali mo- do constitutum, itemque lien, cystis fellea in- signem in modum turgida bile copiosa viridescen- te fuerat repleta.

### *Epicrisis.*

Ad dicti concrementi generationem, quod attinet, vasa rupta suspicor, quippe quae post ab- lationem intestini ilei, foeta materiae nutritionis, eructarunt forte illam successiue, quae deinde solidam nacla consistentiam prima concrementi iecit fundamenta. — Quoniam autem eiusmodi materiae protrusio absque aliqua in vasorum di- laceratorum ostiolis adhaesione fieri nequit, hic simul per accretionem nouis vasis ponitur fun- damentum, ex mente Boerhaauii aliorumque medicorum, et eodem ac priora officio fungen- tia vasa haec idem praestabunt, ideoque primo augebunt vasisque replebunt tale concrementum, quae deinde ipsa illud fouere amplius atque nutri- re poterant semel formatum, quousque ob alias  
licebit





licebit caussas. Ilei vero intestini ruptionem eiusque causam vt quoque attingam, duplicem eam esse puto, quarum quaque lectoribus eligendam praebeo. Contigit nempe vitium istiusmodi, vel a lumbricis effractoribus, vel a fero acriori tunicas intestini ad ruptionem vsque attenuante. Sed vtrumque simul in hocce misero accidisse, quoque a vero non aberrat: magnam enim copiam vermium ventriculus adhuc ostendebat, et humorem illum acriorem putridum prima statim abdominis atque peritonaei monstrabat incisio. Successiue igitur abradendo tunicas intestini, humor ille facile potuit efficere, vt vel lumbricus aliis destitutus alimentis, intestinum ipsum aggre- diens, illud leui conatu perforare, vel idem sponte sub validiori corporis motu disrumpi potuerit.

## OBSERVATIO II.

*Epilepsia simpliciiori modo sanata. Facta  
mense Ianuario anni MDCCCLIII.*

Virgo, viginti circiter annos nata, a septimo iam aetatis anno laborabat cephalaea cum epilepsia coniuncta, quacum illa continuo conflictabatur, eaque non nisi per vices reuertebatur. Quae, postquam satis longo temporis spatio multa incassum sumisset medicamenta, tandem ante trimestre me adiit, me consultura. Malum ego inet inueteratum esse atque per multa remedia peruerse adhibita in peius conuersum percipiens,



dubius haesi, vtrum aliquid tentare fatius esset, an rem istam fato relinquere. Flagitanti tamen praescripsi varios successiue pulueres antispasmodicos atque cephalicos vnacum propriis vehiculis assumendos; sed frustra. Perstitit dolor fixus, vt antea in fronte, rodens atque tensius, aliquoties etiam prorumpebant ipsi motus epileptici. Duriori postea ratus malo durior, quod aiunt, opponendum esse cuneum, porrexi aliquot pulueres ex sulphure antimonii aurato, sic dictae tertiae praecipitationis, aethiope minerali atque puluere epileptico Mynsichti. Quo facto animaduertere licuit, dolorem, qui per septennium et vltra fixus in fronte, nec vnquam fere remittens, durauerat, aliquando per integram, quin immo duas cederet horas, atque verticem peteret, tandemque ipsi motus epileptici plane cessarent.

#### *Additamentum.*

Capitis memoratam passionem 'dolorificam duos adhuc menses integros experiebatur aegrotata, ita, vt modo hanc, modo illam capitis partem peteret, modo capite, tanquam consueta sede, relicto, in medullam spinalem transiret, neruosque inde oriendos in consensum traheret, nihilominus motibus epilepticis nequaquam redeuntibus; at tempore fluxus menstrui exacerbationem induceret, tandem, accensa febricula, et remediorum congruorum vsu semper, prout res id postulare videbatur, intermisso, aut repetito,





tito, aut continuato, ista cephalaea in aeternum dimiserit aegram, atque sanitate integerrima frui permiserit.

### OBSERVATIO III.

*Roob sambuci abusus morbo multatus.*

*Eodem mense annoque.*

Rusticus quidam ad me veniens, generum narrauit suum ab aliquo tempore male se habuisse, eaque de causa a pharmacopoeo medicamentum purgans petiisse. Quo quidem assumpto sperato cum effectu, insequente die huncce medicum sui ipsius miserabilem ad malum radicatus extirpandum hausisse portionem Roob sambuci spiritu vini diluti ad prouocandum sudorem. Quo facto incidit in aestum febrilem tantamque virium prostrationem, vt sensibus frui aut loqui ipsi integrum non esset.

Aestui temperando viribusque refocillandis praescripsi potionem omni trihorio cochleatim dupla ratione propinandam, ex nitro depurato, aqua rubi idaei, cerasorum nigrorum, syrupo acetositis citri, liquore anodyno minerali atque cornu cerui succinato rite compositam.

Euentus vero dubius haecenus mansit; nunquam enim rediit rusticus.



## OBSERVATIO IV.

*Vlcus vesicae vrinariae remediis internis  
curatum.*

*Eodem anno et mense.*

Puella, annum agens vicesimum quartum, me adiit, secum portans urinam, quae turbulenta magnopere ostendebat in fundo vasculi sedimentum plane peculiare. Inerant nempe verae tunicae abraes, quales solent abradere laniones a pecorum intestinis. Urina caeterum graueolentem spargebat odorem vel statim a mictione. Vlcus vel in ipsa vesica, vel vreteribus praesto esse nullus dubitavi. Sequentia ipsa puella retulit. Sustineo, inquit, summos quandoque dolores in regione hypogastrica, eo loco, vbi pilis illam obsitam esse in adultis notum est, nec desinunt prius, quam urinam reddo, et post illam flatus ex vrethra prodeunt, mictio ipsa interdum plus minusue dolorifica est. Quae quidem omnia patior iam per sex annorum decursum. In principio mali huius per aliquot hebdomades decubui colica hysterica, vt putabat mecum medicus tunc sanitatis meae curam suscipiens. Vna cum urina tandem excreui lumbricum teretem; quo facto doloris colici facta sum expers. Ab isto vero tempore malum supra dictum sustineo. Tristem in hacce puella lumbricos luisse tragoediam, quin affirmem, non est,





est, quod obstat. Quod quidem negotium frequenti modo intelligi posse credo. Lumbricus in intestino ileo residens, terebrando pertudit intestinum ea parte, qua vesicae vrinariae incumbit, et post haec vesicam ipsam, talique modo in hanc delatus vna cum vrina fuit eiaculatus. Successu temporis partes laesae coaluerunt, in medio vero foramen, ex intestino in vesicam penetrans, forte reliquerunt, per quod iam flatus, immo et materia chylosa et alia fluidiora per intestinum deuoluenda in vesicam transeunt.

Malum per se sanatu difficillimum, inueteratum iamiam nullam admittere amplius curationem existimabam. Lacrymis autem medelam efflagitantis puellae obtemperans ordinaui primo infusum theiforme, cui sic dictae species inerant radicis althaeae, atque liquiritiae pars anatica, herbae hyperici cum floribus, nec non summitatem virgae aureae, atque herbae sarriculae, manipuli integri pars diuiniata, seminis anisi atque foeniculi ana drachmae duae. Nec non exhibui electuarium ex myrrha, mastiche, rheo electo, puluere radicis tormentillae, terebinthina veneta, ouorum vitello inuoluta, balsamo Locatelli atque sulphuris amygdalato, nec non conserua rosarum officinali conflatum, cuius cochlearia minora duo quotidie bis assumenda curauit.

Per integrum mensem in usu huius medicinae diligentissime perrexit, quo temporis intervallo



uallo praeterlapso iterum me adiit, ab usu illius haud parum se profecisse affirmans. Non amplius cum vrina exire flatus retulit, neque tunicas abrasas in vrina amplius videri poterant.

Dolorum in regione hypogastrica vehementiam valde infringi simul innuit, quapropter spem sanitatis illi affulgere fidentius asserui.

Infusum theiforme amplius sorbere iubebam, sed loco electuarii praescripti Elixirium sequens, per digestionem tridui paratum, bis de die guttarum quinquaginta numero infuso theiformi admiscendum, quod quidem compositum erat ex gummi guaiaci et balsami de Copaiua parte anatica uncia dimidia, terebinthinae optimae drachmis duabus, oleo ligni sassafras scrupulo vno, spiritusque vini rectificatissimi unciiis tribus.

Qua medicina ex praescriptione rite utens, paruo deinde interiecto temporis interuallo, cum sanitate in gratiam rediit.

## OBSERVATIO V.

### *Reditus catameniorum serotinus.*

Mulier septuagenaria morte nepotis sui in summam coniecta tristitiam, in horrorem febrilem incidit; quo finito, mensium fluxum percepit. Fluxerunt illi menses per triduum et amplius cum virium exhaustionem. Remedium morbi efflagitanti propinavi mixturam, cuius partes constitutione fuere elixirium balsamicum temperans, atque





atque vterinum Crellii, illius drachmae duae, huius drachma vnica, nec non aquae cinnamomi cydoniatae vncia vna, tincturae papaueris erratici vncia semis, spiritus nitri dulcis drachma vna cum syrupi berberis vncia vna et semisse. Ter de die cochlear dimidium forbendum curaui.

Sanitati restitutam esse, postea percepi ab aliis; ipsa enim non rediit.

## OBSERVATIO VI.

*Febris catarrhalis epidemica,  
quae hyeme anni MDCCLVI. et ab initio anni  
MDCCLVII. Heilbronnae ad Nicrum  
fuit obseruata.*

Notatu digniora febrisque huius indolem propius lectori sistentia exhibeo, breuitatis ergo ea, quae in aliis febribus catarrhalibus obseruantur, et hic quoque obuia fuerunt, silentio pressurus.

Prima statim huiusce febris exacerbatio a vulgaris febris catarrhalis accessione ea re discerni poterat, quod illi sociam se praestaret immanis ventriculi pectorisque spastica constrictio, tantaque anxietas, vt ipsi aegri primo iam insultu se letho iri traditum minime dubitarent. Subsultus tendinum insequiebantur tanti, vt transitum in veros motus conuulsiuos minari viderentur. Typus huiusce febris in variis variis deprehendebatur,



tur, modo quotidianae, modo tertianae duplicatae typum sistens. Tussis atque coryza fere in omni aegro morbum soluebant.

Spasmos hosce symptomaticos optime per enemata sublatum iri, statim in secundo, cuius curam gerebam, aegro expertus sum. Mitescebant nempe spasmi et magna flatuum copia, quos solos, tanquam illorum causam efficientem, incusare haud ambigo, protrudebatur. Optime quoque cessit usus remediorum, quae digestiua nuncupantur, frigorisque euitatio, lenisque, nec medicamentis calefacientibus, nec fornacum nimio calore quasi extorta diaphoresis.

## OBSERVATIO VII.

### *Epiplcocele incarcerata.*

*Mense Decembri anni MDCCLVII.*

Vetula sexagenaria quatrIduo vexabatur magnis ventris torminibus vomituque fere continuo; quam ob causam hoc tempore elapso me in auxilium vocauit. Statim ab initio, non pauca remedia ex pharmacopoliis contra passionem hystericam vsitata sine euphoria se sumsisse confessa est. At ego, herniae incarceratae suspicionem animo fouens, debito modo feminam interrogauit, quae denique, tumorem in cruris dextri regione superiore iam per annum integrum, sed absque molestia, sensisse non ibat inficias.

Denu-





Denudato pede atque abdomine, epiploocele incarcerata in conspectum prodibat (id quod ex tumoris figura verisimili modo conicere licuit) omnibus enteroceles incarceratae symptomatibus stipata.

Rem primo aliquot clysteribus emollientibus aggressus sum, sed parum leuaminis aegram inde percipere vidi. Cochleatim quoque sorbebat potionem laxatiuam, quae vero semper illico per vomitum reiecta fuit. Addidi loco affecto cataplasmata emollientia; et haec quoque frustra dabantur. Enemata ex herbae nicotianae decocto parata tunc applicari curabam, vomitusque sedandi causa porrigebantur aegrae quouis bihorio guttae triginta essentiae Wedelii carminatiuae atque anodynae pari ratione inter se remixtae. Nec spem fefellit eiusmodi ratio medendi. Successive enim ultra quinquaginta sedibus aluus liquata, summa cum euphoria, vomitiones cum dolore sensim sensimque remisere. Sed herniae tumor nullam subitat mutationem, quamobrem minime de huius rei bono successu gloriari audebam. Taxis seu repositio igitur tentata, sed frustra. Quam ob causam vltus emollientium diligenter fuit repetitus.

Triduo res satis bene se habuit; quo temporis spatio impleto, redibant dolores, stercora per vomitum exhibant, reliquaque herniarum symptomata mala in conspectum veniebant iugiter, Enemata ex herba Nicotiana, nec non essentiae modo



modo memoratae vsus et hic loci, irrita non erant.

Diebus aliquot elapsis, omnia iterum in meliorem partem abire, appetitus, somnusque redire, dolores quoque penitus aufugere videbantur. Sed inopinato rursus de dolore atroci circa regionem herniae querebatur aegra, et inspicienti mihi locum affectum comparuit macula gangraenosa, thalerum imperialem magnitudine haud superans. Applicari iussi decoctum officinale nigrum, et horarum viginti quatuor intervallo symptomata mitescebant. Tertio inde die tumor sponte sua ruptus, visenti mihi magnam omenti partem sphacelo corruptam ostendebat. Quam vinculo, secundum artis praecepta, rite comprehensam scalpelli auxilio absque mora praecidi curavi. Vulnus itidem ex artis lege remediis digestivis atque balsamicis, prouti res id exigebat, congruisque fasciis coopertum intra quatuordecim dierum spatium ita sanatum fuit, ut aegra ne hilum quidem mali pristini amplius se perpeti confiteatur.

## OBSERVATIO VIII.

*Asthma lethale infantum,  
sporadice grassans anno MDCCLVIII.*

Intra viginti quatuorque horas ut plurimum infantes misellos trucidabat morbus hic, inter rariores omnino referendus, nec vlla fere medici arte,






te, tum propter miram necandi celeritatem, tum propter difficultatem, aegris absque noxa proponendi medicinam efficaciorē, vix sanabile. In pueris, tertium, quartum, quintumve annum agentibus, modo post variolas bene superatas, modo absque vlla secundae valetudinis laesione praegressa, tum Heilbronnae, tum in regionibus circa urbem illam sitis, morbum hunc observare licuit.

Totus morbi decursus hic erat. Primo irruerat opisthotonus, sub quo caput vehementissime versus posteriorem corporis regionem distorquebatur. Respiratio simul fiebat summe anxiosa siue anhela; collum adeo intumescebat, ut externae huius tumoris indicia conspicerentur manifesta. Nec status huiusmodi mutatio contigit, ad mortem usque, intra quatuor et viginti horarum spatium certissime subsequenter.

Vesicatoria, enemata, totaque remediorum antispasmodicorum congeries, extractum Nicotianae, alias in tussi convulsiva usu celebratissimum, nec non relaxantia fortissima, inutiliter in huiusce generis morbo adhibita fuere. Nec ab emeticis vlla sperari poterat consolatio, quippe quae ob spasticas constrictiones haud facile proponari poterant.



Breui vero tempore morbus hic plane disparuit, omnino rarissime, vt opinor, a medicis obſuatu s.

## OBSERVATIO VIIL.

### *Diplopia ex cranii depressione.*

*Obſeruata anno MDCCLVIII.*

Puella ſerua ante biennium a lapſu e ſcala vehementer laeſa, rem parui pendens, ſtatim ſurrexit, ſolita ſua munia obitura. Sed bihorio poſt lapſum vehementes in loco a lapſu percusso dolores ſuſtinebat, quibus breuiſſimo temporis interuallo acceſſerunt vertigo atque diplopia. In lectum collocata, et a chirurgo medicoque, quos illico arceſſi iuſſerant amici, rite atque ex artis legibus examinata, oſtendebat cranii depressione ſupra regionem anatomicis coronalem vocatam, a futura, quae coronalis nomen exinde accepit. Trepani uſus, a quoque a celeberrimis chirurgiae ſcriptoribus hacce occaſione laudatus, omittebatur ob defectum trepani, cuius chirurgus ſeſe reum vocabat. Ideoque reſtentata fuit fomentationibus, quales praefcribere *Platnerus*, *Heiſterus* atque *Schaarſchmidius*, ille in inſtitutionibus chirurgiae rationalis, hi ve-



ro in chirurgia maiori, atque tractatu de laesio-  
nibus capitis.

Contra medici atque chirurgi spem et opi-  
nionem intra hebdomades tres ita restituebatur  
aegra sanitati, vt, non solum vertigo cum di-  
plopia penitus illam dimiserit, sed et oneribus  
in vertice ferendis, vt apud nostrates postulat  
consuetudo mosque receptus, esset aptissima.  
Sed anno insequente, eodem die, quo pridem  
ex lapsu fuerat laesa, redeunte, simul eadem  
rediere symptomata, dolor nempe atrox cum  
vertigine visuque duplicato. Eademque ineden-  
di ratio, quae primo insultui fuerat opposita,  
et hic loci sese praeuit efficacissimam, nec non  
saluberrimam.

Vltiorem vero illius euentum experiri mi-  
hi haud licuit, puella nempe non amplius  
redeunte.

## OBSERVATIO X.

*Partus tergeminus singularis.*

*Qui contigit anno MDCCCLIX.*

Femina quaedam florentissima tertia iamiam  
vice puerperium sustinuerat. Quarta vice pari-  
tura partum edidit tergeminum, qui sequenti  
modo se reddidit memorabilem. Primus, qui  
C 2  
prodi-






prodibat, partus, forma, magnitudine modoque ad lucem egrediendi partum summe maturum, vitalem a medicinae forensis auctoribus appellatum, omnimode aequabat. Secundus vero foetus ex vtero egrediens partum quinquemestrem, tertius denique trimestrem, forma et magnitudine sistingebat. Mortui ad lucem omnes tres erant protracti. Partu instanti, primo apparebat bulla eximiae magnitudinis; qua rupta, statim insequiebantur secundinae, bihorioque post, foetus primus in lucem prodibat, enormi simul vteri haemorrhagia adiuncta.

Paruoque temporis spatio interiecto, secundus eadem ratione in lucem editus fuit. Tertius vero vna cum placenta, tunicis, amnio et chorio inclusus ex vtero prodiit. Viribus fracta puerpera debito modo per optima analeptica refocillata, sine vlla sanitatis iactura puerperii tempora transegit, et inde absque vlla incommoditate vitae muneribus, vt antea, fungi solebat.





## OBSERVATIO XI.

*De usu cicutae, facta anno  
MDCCLXIII.*

Libellus ill. *Stoerkii*, breui tempore post latinam auctoris editionem in linguam vernaculam translatus, mihi breui temporis intervallo a medico mihi amicissimo laudatus, attentio-rem omnino circa usum veneni huius fecerat, praesertim eam ob rem, quod statim post edita ill. *Stoerkii* observata, modo huc modo illuc et in ipsa vrbe Viennensi varii viro suoque laudato medicamento aduersarii nascerentur. Ideoque primam, cicutae vires et in mea praxi observandi, occasionem haud praeterire, mecum proposueram. Nec defuit optanti opportuna huius rei experimenta instituendi facultas, dum anno memorato aegri duo, cancro laborantes, auxilium expectare a me minime dubitarent.

Aeger vterque carcinoma sistebat occultum.

Extractum cicutae, ad mentem medici Viennensis probe solutae, et a plantis congeneribus vite discriminatae, tum internae in pilulis, tum externae forma emplastri, ad leges artis parati, utrique dabam.

Septimanis aliquot elapsis in utroque cancer occultus in apertum transiit, multumque puris



eructavit quotidie, quod vero nunquam usu cicutaе in pus bonum et laudabile, chirurgis ita dictum, transmutari poterat.

Vterque denique post diu continuatum cicutaе usum, absque vlla sanationis spe, misere periit.

Vires plantarum saepius solo, quo crescunt, immutari, nemo est, qui neget, idque multis exemplis probare, superuacaneum fortassis erit. A vero igitur minime aberrare credo, cicutaе nostrates incolenti regiones, vires illas denegando, quas laudat in Viennenli archiater ille celeberrimus.

## OBSERVATIO XII.

*Aliud vlcus vesicae vrinariae curatum.*

*Anno eodem.*

Vir mediae aetatis in fine anni praecedentis ad me veniebat, medicum alium, cuius nomen hic silentio premere fas erit, summae negligentiae accusans. Per tredecim hebdomadas medicus ille curabat aegrum, vesicae vrinariae vlcere vexatum.

Sex octoae vnciae puris liquidissimi vni cum vrina quouis die excretae, miserum tandem





dēm, viribus fractum, summa correptum macie, in febrem abripiebant hecticam.

Eo deductae res aegri erant, dum ad me veniret, auxilium petiturus.

Corticis peruuiiani vsus, in tertiam septimanam protractus, vires restituebat, corpori robur aliquo modo reddebat, febremque penitus profligabat.

Sed adhuc continuabant dolores, omnem superantes descriptionem, puris excretio, vesicaeque durities vel tactu percipienda.

In vsu corticis pergebam, radice parcirae pravae atque pilularum aethiopicarum Ludolfi sum interponens, prouti res videbatur exigere.

Quo facto, intra quatuordecim dies, praeter meam aliorumque spem et opinionem, sanitati plenarie fuit restitutus.

### OBSERVATIO XIII.

*Odontalgia minus consueta venaesectione sublata.*

*Eiusdem anni mense Ianuario.*

Laborabat aeger quidam dolorifica dentium affectione, decemque hebdomadum spatio frustra sensum sensumque adhibuerat consueta remedia



dia topica, nec non scarificationem, venae sectio-  
nem in pede, velicatoria, et medicamenta pur-  
gantia.

Malo, consuetis remediis minime conceden-  
ti, minus consuetum opponendum esse ratus, ra-  
mum venae cutaneae, in regione digiti annula-  
ris et auricularis decurrentem, et in aegro ple-  
thorico quippe facile conspicuum, lanceola per-  
tundere nullus dubitavi.

Qua vena secta, intra bihorium dolor omnis  
plane conquieuit.

## OBSERVATIONVM

F. C. T. WEBERI

FINIS.



APPENDIX.

**A P P E N D I X.**



APPENDIX



FRIDER. AVGVST. WEBER

M. D. ATQVE APVD HEILBRONNENSES AD  
NICRVN POLIATRI, F. C. TH. WEBER  
FILII

OBSERVATIONES ANATOMICAE  
RARIORES.

---

OBSERVATIO I.

*De infundibulo cerebri et glandula  
pituitaria.*

*Facta anno MDCCLXX.*

Corpus quoddam molliusculum in medio sella sic dictae turcicae collocatum, ob analogiam cum instrumento notissimo intercedentem, infundibulum anatomicis audire, omnibus in propatulo est. Tegitur illud infundibulum sola pia matre, continetque, vt anatome nos docet, glandulam, quae ob mucum seu pituitam ibidem secernendam pituitaria vocatur.

Quam glandulam anno supra indicato in caduere quodam masculino, aut defectu congenito,



nito, aut statu morboſo minus cognito, exami-  
nатуque difficillimo id efficiente, penitus deeſſe  
vidi, nihilominus infundibulo praefente; quo  
vero in caſu fella turcica praeternaturali gaude-  
bat magnitudine.

Inferere mihi liceat hic loci ea, quae de in-  
fundibulo atque glandulae pituitariae ſtructura  
et uſu inueniuntur in *Adolphi Murray* obſerua-  
tionibus anatomicis, anno MDCCLXXII. Vpfal-  
liae ſub Praefidio Cel. *Siderén*, in cathedram pro-  
latis.

Innotuere quidem peracta Goettingenſia, ſed  
ipſum auctorem dicentem audire, permultis haud  
erit ingratum, propterea quod eius ſcri-  
ptum, magno mihi pretio Goettingae anno  
MDCCLXXIII. emtum, in multis Germaniae  
noſtrae regionibus merito rarioribus annumerari  
meretur. „*Infundibulum*, inquit, ſub calloſo  
corpore, pone commiſſuram anteriorem fornicisque  
crura anteriora originem capere, et denique inter  
eminencias mamillares nervosque opticos deorſum  
duci, res quidem eſt notiſſima: hi autem errant, qui  
illud recta ſub decurſu baſin caluariae petere affir-  
mant. Antroſum vergere obſervationes institu-  
tae, quae cum *Perill. HALLERO*, conſentiunt,  
manifeſtum reddunt. Ex duabus cerebri membra-  
nis componi ſcimus, media ſcilicet et intima, qua-  
rum priorem arachnoideam, poſterioreſque piam  
matrem vocarunt. Arcte inter ſe cohaerent, at  
ſimul,





simul, ut accuratiori examine didici, hic immittitur alia stipatior tela cellulosa; quo fit, ut, si canalis prope glandulam transuersim obsecindetur, lumen eius, fere ut in arteriis, apertum sese repraesentet.

Canalis crassities variis in subiectis varia est. Modo enim pennam columbinam, modo duas tertias anserinae partes aequat; immo etiam, et potissimum in eius superiori parte, maiorem adhuc eum vidi. Experientia quoque me quaedam docuit, in infantibus, illisque, qui habitus sunt laxioris, infundibulum esse grandius, ac in illis, quorum structura strictior est et robustior, versus basin calvariae coni in modum minuitur quidem: at veniens ad glandulam pituitariam dilatatur iterum, adeo, ut paulo ultra medium tenuissimum sit.

Quod rubicundi vel cinereo-rubentis sit coloris, unus quisque facile cognoscit; colorem vero hunc a ramulis quibusdam arteriae callosae surculisque, quibus receptaculum adspergitur, huc delatis, originem trahere, subtiliores confirmant iniectiones anatomicae.

Solidumne, an cauum sit infundibulum, inter anatomicos diu quaesitum fuit. Quod ad mea observata, inuitus quidem praeuideo, multorum illustrium virorum sententiis meam minus arrisuram. Quum vero in iis modo enarrandis acquiescam,  
quae



quae saepe et attente quidem observavi, nec nisi verum sectari, absque ullius auctorum partium studio, mihi proposuerim, non vereor, ne dissensu meo cuiusdam animus a me abducatur.

Quo autem minus in observationibus fallerer, non tantum saepe illas repetii, sed et ad has ipsas eiusmodi legi cadauera, quorum morbi ratio mihi innotuerat.

Bina igitur, apoplexia sanguinea, et bina hydrope extincta cadauera huic examini dicaui; quum hoc adminiculo me convinci posse crederem, an morbosa quaedam laxitas structuram huius infundibuli variaret, utrum vasorum capitis distentio cavitatem illius redderet evidentioverem.

Ad ipsam vero primariam quaestionem, de eius nempe fabrica, facilius soluendam, varia etiam methodo dissectiones ipsas instituere necessarium duxi; quare quoque cerebra gelu correpta, et talia, quorum vasa latice colorato ceraque impleta erant, cultri aciei submissi.

Ex quibus omnibus clare patuit, infundibulum nec medullari quadam substantia, nec tela cellulosa oppletum, sed ad limitem usque glandulae pituitariae, cui annectitur, semper apertum esse.

Reticere tamen non debeo, me in vetulae, anasarca hydrope demortuae, infundibulo, quum flatu eius viam persequi satagerem, obstaculum quoddam





dam contra aëris propulsum, et tutum ipsum, persensisse; ulteriore autem perquisitione facile causam detexi, cum filamenta quaedam cellulosa, ab uno latere ad alterum protensa, ipsam aperturam aliqua ratione oppilarent; id quod etiam celeberrimo TARINO accidit, cum vas consolidatum describeret. Penes alios autem sit dirimere, an noua haecce filamenta cellularia, sicut aliis in locis enascuntur saepius, hic a laxitate quodam universalis, quae in hydrope communis est, citiorem traxerint ortum.

Infundibulum autem esse PERVIVM, optime ex cerebris congelatis mihi videtur ostendi posse. Hieme igitur anni MDCCCLXX. duo capita gelu adstringi curavi, ut stria glacialis cavitatem, si qua esset, manifestiorem redderet. Adeo etiam felix fuit euentus, ut a ventriculis lateralibus ad tertium, perque infundibulum ad glandulam usque pituitariam, una continua gleba glacialis fuerit perrecta.

Ab eo tempore quoque infundibuli inferiorem limitem, hoc est, illum, qui attingit glandulam pituitariam, perquisivi, et adeo fausto successu, ut in demonstratione quadam adstantibus canalem non tantum intra glandulae carnem in duos abeuntem ramos, verum etiam unumquemque suum petere lobum ostendere licuerit. Posterior illo anteriore minor est. Aerem inflans, facillime illum ventriculos penetrare, eosdemque distendere percepi.





*Ex his, quae iam attuli, quivis facillimo negotio perspicit, cauum esse infundibulum, serosumque laticem per illum fluere. Quo autem liquorem demum ducat, non minor inter anatomicos fuit dissensus. Veteres quidem existimarunt, halitum ventriculorum cerebri, quem pro excrementitio habuerunt, anterieus per processus mamillares in nares ferri, inferius vero per infundibulum in glandulam pituitariam, in proprio recessu ossis sphaeroidei delitescens, indeque in palatum per poros invisibiles deiici. Ad crescentem vero studio anatomico, illorum opinio de via ad palatum ducente mox exolescere coepit, ut non nisi ductum ad nares per ventriculos anteriores inuenire autumarent; quem vero inde nonnulli, praecipue SCHNEIDERVS, in magno illo de catarrhis opere, etiam praecclusum esse ostenderunt, WILLISIVS, qui SCHNEIDERI amplectitur sententiam, liquidum ventriculorum per infundibulum tantum in glandulam pituitariam, quae etiam ad eius mentem, liquoris aliquid secerneret, transferri credit; ab hac vero glandula liquidum utrumque, inter se mixtum, per venas revehentes retis mirabilis, totam cerebri basin obuelantis, aut per proprios duobus hariolatus est duci. Longe alium autem usum ipsi tribuit. ISBR. DIESNER-BROEK, qui glandulam pituitariam, ut verum organon secretorium, assumit, et cum nullum habeat ductum excretorium, a sanguine retis mirabilis separari opinatur pituitam, quae per infundibulum in ventriculum tertium, inde in laterales,*

*et*

coarctata solito minoris diametri, nequaquam vero inflammata, tertia cum intestina recto secundum naturam conformata. Mesenterii glandulae partim scirrhus induratae, partim sanissimae. Lien, magnitudine, consistentia, et colore, perfecte sanus. Rem uterque debito maior, sanus itentidem vna cum renibus, quos dicunt succenturiatos. Vesica urinaria sana. Vasa mesaraica sanguine turgida.

Caput externe nullam ostendit sugillationem, sanguinisue in venis iugularibus accumulationem, aut haemorrhagiae vel ex naribus, vel auribus, vel ex ore contingentis vestigia. Ideoque dissectari non iussi. Causas enim mortis sufficientes iamiam detectae, nullaue laesionis internae capitis aderat suspicio.

Vtriusque lateris integumenta stasin sanguineam ostendebant, id quod etiam in brachiorum superficie cutanea, versus interiorem illorum regionem vergente, fuit valde conspicuum.

### *Tentamen epicriseos.*

Peripneumonia maligna iugulatum fuisse hunc aegrum, et forsitan ex retardato vel impedito sanguinis libero circuitu adeo derrepente fuisse suffocatum, descripta sectio cadaueris





ris docere mihi videtur. Apoplecticum esse mortuum, a vero haud abesset, si congestio- nis sanguineae versus caput adfuissent vestigia. Gangraena, qua corporis suae partes variae ne- catae fuerunt, ob celerrimum progressum for- sitan ad nervosam gangraenae speciem vero simi- lius erit referenda.

## OBSERVATIONVM ANATOMICARVM

### RARIORVM

FINIS.

